

Hóe-nōa-thòaⁿ ê kòr-sū

Tēⁿ Sí-chong

A-Bêng kin-nî 5 hòe. Seⁿ tiôh kó-chui koh ū chhùi-súi. In chhù--nih kan-ta chit ê ta-po-kiáⁿ, sioh miā-miā. A-Bêng tûi tñg-leng khai-sí tiôh chiok kéng-chiâh. Tō-chè ê sî sè-sè liáp chí, ná chhiūⁿ chhī bē tōa, put-sî kám-mō khù-khù-sàu, phôe-hu iā chhiâng-châi chia chiūⁿ hia jiàu.

Hó ka-chài 3 hòe hit nî, ū khah hó chhùi-táu. Bah, chhài ke-kiám chiâh--chit--kóa. Bīn khah hàng-leng phòng-phôe, thé-keh khah chho-kut, sin-thé mā khah ióng-kiāⁿ..ah.

5-góeh sî-á, sai-pak-hō tit-tít lóh, lóh khah kui-keng chhù lóng sî chhàu-phú bī. A-Bêng hoat-sio nâ-âu thiàⁿ í-keng 3 jit, sòa--löh--lái 2 jit áu, tò-pêng phîⁿ-khang âng-âng, chiūⁿ iah-iah, koh lâi khí chuí-phâ, lâu-thng, kian-phí, hō Bêng..a jiàu kah hoat-hông hàng-chéng. Bô jōa-kú phôe-hu-chín jú lâi jú tōa jiah, iā thòaⁿ kàu chhùi-piⁿ, ām-kún, kha-tâng. A-Bêng ê a-má khèh chit kòan hóe-sio iôh-ko hō boah, in a-pâ mā khì chhù-piⁿ hit keng iôh-pâng kōaⁿ sián-iôh-á kā so, chit-tiám-á chha mā bô. Bóe-chhiú liân Bêng..a ê sió-mōe iā khì hō òe--tiôh. A-Bú khòaⁿ m̄-sī pān-sè, kóaⁿ-kín chhōa 2 ê hiaⁿ-tī khì Ko-i chhōe Phôe-hu-kho Tēⁿ I-su.

Tēⁿ I-su kā khòaⁿ-khòaⁿ, mñg-mñg--leh, tiôh kóng, "Bêng..a seⁿ hóe-nōa-thoaⁿ--lah."

A-Bú chin gî-ngái, mñg, "Sím-mih sī Hóe-nōa-thoaⁿ? Góa m̄-bat thiaⁿ--khòe."

Tēⁿ I-su kóng, "Jit-pún-lâng kā hō-chò "lông chia chûn"(腫 瘡 疣). Hôa-gí chioh Jit-pún Hán-jī kiò-chò "lông chia chûn"."

A-Bú kám-kak chin kî-kòai, "Lông Sia Chûn? Seⁿ che kap lióng-hê ū siáⁿ-mih koan-hê?"

Tēⁿ I-su chhiò-chhiò kā kóng, "M-sî sím-mih lióng-hê, chháu-hê--lah. Lông sī kóng ū lâng, Chia sī kóng ū phí-á, Chûn sī teh kóng ū phôe-hu-chín ê i-sù".

Tēⁿ I-su khòaⁿ A-bú..a ū khah liáu-kái tiôh chiap-sòa kóng, "Chit ê miâ chiau pēⁿ ê chèng-thâu lâi hō miâ, sng hō liáu bē bái. Lán ê òe kiò chòe "hóe-nōa-thoaⁿ", i-sù sī kóng chit ê pēⁿ chhin-chhiūⁿ chit pha hóe, sì-kè thòaⁿ, ê lâu thng ná-chhiūⁿ nōa, kian kim-sek ê phí iā ū sêng hóe ê sek-chúi."

A-Bú koh mñg, "Thài ê seⁿ chit khôan pēⁿ, ná-chún ê thòaⁿ. Bêng..a seng seⁿ, bóe-chhiú in sió-mōe mā tòe teh seⁿ."

"Sī--ah. Chit ê pēⁿ sī tûi bâi-kín(bacteria) lâi..ê, ê chō-sêng phôe-hu hoat-hông, seⁿ chuí-phâ. Chit-sî chin gâu thòaⁿ. Thng lâu kah tah, pēⁿ tō thòaⁿ kah tah. Ú-sî kui keng iù-tî-hñg tak-ê gín-á lóng tiôh ê chêng-hêng mā ū. Kui ke-hóe ê gín-á

tōa-sè-hàn lóng jiám--tiòh iā ū. I ê phí-á kap lâu--chhut--lái ê thng lóng ē òe--lâng, pát jiah ê phôe-hu á-sī pát lâng nā bak--tiòh, lóng ē khì hō thôan-jiám."

"Án-ne beh án-chóaⁿ tī-liâu khah hó?"

"Chit hō pēⁿ chin kín tī-liâu. Ē-sái ēng khòng-seng-sò iòh-ko lâi boah. Ū-sî nā khah chē jiah, boah bē chiâu-ûn, iā ē-ēng-tit chiâh khòng-seng-sò iòh-ôan á-sī giâ-kóng-á. Ū kian-phí ê só-châi ē-sái chiong sé-hoat-cheng thàu tī chuí lâi-té koh ēng kin-á ùn chuí khin-khin-á kā phí lù-tiāu. In-ūi hóe-nōa-thoaⁿ ê phí téng-bīn ū chē-chē ê sè-khún. Án-ne ē khah kín hó."

"Beh án-chóaⁿ ū-hông?"

"Phór-thong sî gín-á ài chiâp hō sé chhiú, ték-piát sī tûi gōa-kháu jip--lái ê sî, tek-khak ài ēng sat-bûn sé hō chheng-khì. Lēng-gōa nā-chún kóng hóe-nōa-thoaⁿ it-tit bē tñg-kin, 3 put 5 sî teh hoat bô-thêng, ē-sái khó-lū ēng sat-khún-sèng ê sat-bûn á-sī sé-ék-cheng lâi sé. Nā kāng chit ê só-châi put-sî teh hoat, ē-sái ēng khòng-seng-sò iòh-ko lâi boah, lâi ū-hông."

"Án-ne-siⁿ góa chai. Āu-pái góa ē koh khah chû-i in phôe-hu ê òe-seng, kā in sng-sé hō chheng-khì. Tēⁿ I-su, kiám koh ū sím-mih ài chim-chiok..ê?"

"Chit khóan pēⁿ sī Liân-kiû-khún á-sī Kim-sek Phô-thô-kiû-khún lâi chō-sêng. Ū 2% kàu 5% ê hóe-nōa-thoaⁿ ū kip-sèng ê io-chí-iām

ē tòe teh hoat-seng, hō chò kip-sèng sīn-si-kiû-thé sīn-iām(io-chí hoat-iām, pian-chip soat-bêng: acute glomerular nephritis). Hōan-chiá ê jiō ū lô, piàn âng. M-kú lóng chin kín tiòh hó kah lī. Jóah-thiⁿ sî-á chē kòe kōaⁿ-thiⁿ, tiòh khah chû-i òe-seng. Góa án-ne kóng, lí kiám ū chheng-chhó?"

A-bú kóng, "Góa lóng thiaⁿ ū. Tēⁿ I-su chin to-siā."

"Bián kheh-khì. Chiâh-iòh, boah iòh-ko. Ū siáⁿ bûn-tê khah koh lâi khòaⁿ."

Sim-chêng

Ông Siok-iông

M-bián ka-khui M-bián chhiat-tñg
Chéng-thâu-á khin-khin sóa ūi,
thiⁿ-tē tō hun-lî
Bô-koh liân-sòaⁿ, bô koh óa-kîn
Ná chit tiuⁿ jiâu-jiâu ê phoe-sìn
Jiòk tiâu sûi koh thián khui
Bô òan-thàn hō-chuí tâp-tih ê àm-mî

Thiⁿ-tē tñg-séh kàu chá-chêng
Chhiü-nâ chhim-bát
Lòk-á òat thâu bû-siaⁿ
Chiòh-thâu liâng-léng, chhiü-oe iô
tín-tâng
Hong sîm-jip-khì kng-iáⁿ lâi-té
Ôan -sêng sim-sû ê tò-iüⁿ